



ЛЕНИНЭНЬ ЖИЯВА

ЛИСИ: 9-це ие,
12 № ковс

АВГУСТ
2-це чи
1939 ИЕ
109 (1093) №

ВЛКСМ-нь Мордовской обкомонтъ ды
Саранск ошонь комитетэнтъ газетаст

МИРЭНЬ КИС БОРОЦЯМОСЬ

Ютасть 25-е ие, зярд августонь 1-це чистэнь ульнесь ушодозь мировой васенце империалистической грабительской войнась, конань ушодокшнызе империалистической буржуазиясь эсь грабительской цельтнес. Те захватнической, грабительской войнать причинатне аштесть империализмань условиятнесэ капитализмань развитясонзо неравномерностень ды скачкообразностень закононтъ эйсэ. Войнась ульнесь капиталистической системантень иясто неизбежной спутникекс, кода неизбежной кризисэсь, безработицась ды нищетась.

Те войнась токшесь весе империалистической государствантень грабительской интересэст, секкак сонензэ ульсть таргазь весе основной империалистической государстватне. Империалистической хищниктне эсь захватнической цельтнеде башка ульнесь заинтересованной войнать кирвастемасонтъ сень туртов, штобу отвлеч робочейтнень ды лия трудиятнень вниманияст одс касыця революционной движениантэ эйстэ, арсесть войасонтъ лепштямонзо революционной движениантэ.

1914-це инесть империалистической войнась ульнесь грабительской, мирэнтъ одов явшеманзо ды мировой рыноксо влияниань сферантэ кис войнакс. Буржуазиясь те войнать эйсэ аноктасть народонтъ эйстэ салава. Зярд жо войнась ушодовсь, эрва империалистической правительствась стараясь доказать, што аволь сон каьясь сонзэ марто рядом эрицятнень лангс, но сонзэ лангс каявсть. „Войнать истинной целевзэ, сонзэ империалистической, захватнической характерэнзэ кекшезь, буржуазиясь манчесь народонтъ. Эрва империалистической правительствась яволятсь, што войнась ветяви эсь родинантэ ванстоманзо кисэ“ (ВКП(б)-нь историянь краткой курс, 156-це стр.).

Народонь манчемасонтъ буржуазиянтень лездатъ II-це интернационалонь оппортунистнэ, конатне робочей классонтень эсь подлой изменаст коряс теевсть социал-шовинистэкс ды кармасть голосовать военной кредитнэнь кисэ сень туртов, штобу поддержать грабительской империалистической войнать. Истя, например, 1914-це иестэ, августонь 4-це чистэ германской социал-демократиясь парламентсэнь голосовал военной кредитнэнь кис, империалистической войнать поддержканзо кис. Истя жо тейсть Франциянь, Англиянь, Бельгиянь ды лия мастортнэнь социалистнэ-оппортунистнэ. Истямо жо предательской позиция ветясть русской меньшевиктне, эсертнэ ды скрытой социал-шовинистнэ—центристнэ, конатне кекшсть народонтъ эйстэ империалистической войнать грабительской характерэнзэ ды тевсэ поддерживали сонзэ.

Ансяк ленинско-сталинской большевистской партиась кадовсь педепес преданнойс робочей классонтъ ды весе трудиятнень освобождениянь тевентень, сон

решительна бороцясь те грабительской войнать ветямонзо каршо, тердсь весе международной пролетариатонтъ ды лия трудиятнень те войнасонть „Эсест“ буржуазной правительствантень поражениясь, империалистической войнать гражданской войнакс превращениас. Те лозунгонть последовательностэ ютавтоманзо результатсо минек родинань робочейтне ды крестьянтнэ империалистической войнасонть лиесть революционной победа марто; сынь ертызь эсь сявдикэст лангсто помещиктнень, капиталистнэнь ды теизь эсь родинантэ весе мирэнь передовой ды прогрессивной человечествантень подлинной родинакс, косо чиде-чис касы культурась ды весе трудиятнень благосостояниас.

Историясь невти, што империалистической васенце войнась аволь ансяк эзинзе реша империалистической государстватнесэ противоречиятнень, а мекевланг, седеяк еще пек пштилгавтынзе ды конатнень эйстэ империалистической буржуазиясь снартни лисеме весе буржуазной партиятнень эйстэ самай сех реакционной ды подлой партиантэ-фашизмантэ вийсэ.

Фашизмась, конась ашти революционной пролетариатонтъ лангсо верив палачокс, империалистической буржуазиянтень составной частекс, ушодызе омбоце грабительской империалистической войнать, конась „таргась эсь орбитазонзо ветесядт миллиондо ламо населения, келейгавтызе эсь действиянзо сферантэ громадной территория лангс Тяньцзиньстэ, Шанхайстэ ды Кантонсто сазь Абисиниянтэ трокс Гибралтаронтъ видьс... Истямо лацо минек сельменек икеле моли влияниань сфератнень ды мирэнтэ одс открытой я в ш е м а с ь аволь агрессивной государствантень счетс, остаткатнень пельде отпоронь кодаткак попыткатнеутеме ды мик кой-кодамо попустительствань пингстэ“ (Сталин).

Августонтъ 1-це чистэнь весе мирэнь передовой ды прогрессивной человечествась, весе од ломатне эрва иестэ невтнить фашисткой варвартнэнь, олячинь душицятнень эсь ненавистест ды возмущенияст, невтить грабительской войнать кирвастицятнень каршо решительной бороцямонть анок чист.

Фашизмась, конась буржуазиянь грабительской цельтнень туртов вети омбоце империалистической войнать, грози весе мирэнь передовой ды прогрессивной человечествантень, сонзэ вековой культурантень ды сехте пек грози минек социалистической родинантень ды трудиятнень. Те минек эйсэ кармавты сенень, штобу эрва иккане улемс анокс фашистской агрессортнэнь—трудия народонь поработительтнень иясто отпоронь максомантень, кодамо ульсь максозь Японской провокатортнэнь Хасан эрькенть лангсо.



Велень хозяйствань Всесоюзной выставкасонтъ.
СНИМКАСОНТЬ: Выставкянь Главной павильононтень совамо таркасонть И.В. Сталинэнь скульптуразо.
Фотось Ф. Кисловонь. (ТАСС-нь Фотохроника).

РСФСР-нь Верховной Советэнь 1-це Созывэнь Омбоце Сессиясь

ИЮЛЕНЬ 28-це ЧИНЬ ВАЛСЕНЬ ЗАСЕДАНИЯНЬ ДНЕВНИКЕСЬ

Июлень 28-це чистэ валске Кремлясо ульнесь РСФСР-нь Верховной Советэнь Омбоце Сессиянь ветеце заседаниязо.

Чинь порядоконь васенце впроросонтъ коряс заключительной вал марто выступает РСФСР-нь Финанснэнь Народной Комиссарось Умноз ялгась ды РСФСР-нь Верховной Советэнь Бюджетной Комиссиянь Председателесь депутатось Власов.

Сессиясь ве мельсэ кемексты 1938 иестэ РСФСР-нь государственной бюджетэнтэ топаваманзо ды прими Закон 1939 иентень РСФСР-нь государственной бюджетэнтэ, кемекстызе доходной частенть 24.599.444 тыща целковонень суммасо ды расходноенть—24.540.403 тыща целковонень суммасо.

Чинь порядоконь омбоце впроросонтъ коряс—„РСФСР-нь трудиятнэ депутатнэнь краевой, областной, окружной, районной, городской, сельской ды поселковой Советнэс кочкамонтнеде Положениянтэ кемекстамось.—доклад марто выступил РСФСР-нь Верховной Советэнь Законодательной предположениянтэнь Комиссиянь Пред-

седателесь депутатось Голяков.

— 1939 иентэ прядовомсто,—яволятсь докладчикесь,—минек республикасонть, — предстоит ютавтомс трудиятнэ депутатнэнь краевой, областной, окружной, районной, городской, сельской, ды поселковой Советнэс кочкамот.

Неть кочкамонтне эсь эйсэст прядсызь РСФСР-нь государственной гластень весе органтнэнь перестройкантэ Сталинской Конституциянтэ основанзо лангсо.

Докладчикесь подробнасто лоткиси кочкамонтнеде Законодательной Предположениянтэнь Комиссиянтэ ендэ разработанной Положениянтэ основной моментнэнь лангс. Те Положениясь, корты сон, отражает граждантнэнь незыблемой праваст, конат кемекстазь Сталинской Конституциясонть.

— Депутатнэнь местной Советнэ.—корты Голяков ялгась,—населениянтэнь государственной властень сехте малавикс органт. Кочкамс Советнэс народонь достойной представительть, конат пряданойть Ленинэнь—Сталинэнь партиантэ тевентень—коммунизмантэ тевентень,—предстоящей кочкамонтнэнь главной задачаст.

ИЮЛЕНЬ 28-це ЧИНЬ ЧОКШНЕНЬ ЗАСЕДАНИЯСОНТЬ

Сессиянтэ чокшнэнь заседаниясонзо ушодовсть преният Голяков ялгантэ докладонзо коряс. Прениятнесэ выступили депутатнэ

Динмухаметов, Шахурин, Васильев, Зимина, Ибрагимов, Гекман, Калинин.

(ТАСС).

РСФСР-нь Верховной Советэнь 1-це созывень

Омбоце Сессиясь

ИЮЛЕНЬ 29-це ЧИСТЭ СЕССИЯНЬ ЗАКЛЮЧИТЕЛЬНОЙ ЗАСЕДАНИЯСЬ

Июлень 29-це чистэ ульнесь РСФСР-нь Верховной Советэнь 1-це созывень Омбоце Сессиянь сисемце—заключительной заседаньясь.

Заседаниясонть мольсь „РСФСР-нь трудиянь депутаттэнь краевой, областной, окружной, районной, городской, сельской ды поселковой Советнэс кочкамотнеде Положениянь“ проектэнь обсуждениясь.

Прениятнесэ выступили депутаты Горбачев М. В., Иволгин И. Л., Грибов П. П.

Прениясо выступившей депутатось Грибов кортась активистнэнь творческой касомадост, конат примасть деятельной участия СССР-нь Верховной Советс ды РСФСР-нь Верховной Советс кочкамотнесэ. Грибов ялгась предлагает кода можна седе келейстэ использовамс местной Советнэс предстоящей кочкамотнестэ ламомиллионной активень методтнэнь замечательной опытэнь.

— РСФСР-нь Верховной Советэнь Законодательной Предположениянень Комиссиянь председателенть депутатонтъ И. Т. Голяковонь заключительной валдонзо мейле, Сессиясь единоголасна кемекстызе „РСФСР-нь трудиянь депутаттэнь краевой, областной, окружной, районной, городской, сельской

ды поселковой Советнэс кочкамотнеде Положениянь“

Теде мейле Сессиясь кемекстызе РСФСР-нь Конституциянь (Основной закон) 145-це статьянтень изменениядо ды дополнениядо закононтъ“, кона определяет трудиянь депутаттнэнь Советнэс кочкамотнесэ представительствань норматнень.

Сессиянь чинь порядоконь колмоце вопросонтъ коряс „РСФСР-нь Верховной Судонь кочкамотс“— доклад марто выступил депутатось Пронин В. П.

РСФСР-нь Верховной Судонь председателекс Сессиясь единоголасна кочкизе депутатонтъ А. Т. Рубичевень. Персональной голосования кочказь РСФСР-нь Верховной Судонь 74 члент ды РСФСР-нь Верховной Судонь 36 народной заседательтэ.

Сессиясь единоголасна кемекстызе РСФСР-нь Народной Комиссариатнэнь Советэнь председателекс Василий Васильевич Вахрушев ялганть.

Теде мейле председательствующее—РСФСР-нь Верховной Советэнь председателесэ депутатось А. А. Жданов РСФСР-нь Верховной Советэнь Омбоце Сессиянь роботанзо яволявтызе предложение.

ЯВОМС ПОКШ МЕЛЬ КУЛЬТУРНОЙ РОБОТАНТЬ ЛАНГС

Яла зажиточнойкс ды культурнойкс тееви колхозниктнэнь эрямост. Колхозной зажиточностесь кеместэ совась колхозниктнэнь кудос.

Сталинской пятилеткатнэнь иетнэнь перть колхозной велетнесэ строявт кеметь тышат социалистической культурань прекрасной очагт. Кинос ды радиос теевсть неотъемлемой частекс колхозной бытсэнь.

Ней ушодовсь уборочной кампаниясь. Ловнома-кудотнэнь ды колхозной клубтне икеле ашти покш ды ответственной робота—организовамс седе культурнойстэ колхозниктнэнь ютко шкань ютавтоманть. Бойка касыть колхозниктнэнь культурной запростнэ и политико-просветительной учрежденянтнэнь сехте главной задачаст—весе эндо удовлетворять неть запростнэнь.

Но эрва косо-ли истя парсте ашти тевесь неть мероприятиянтень марто? С а й с ы н е к Чамзинкань районной ДСК-нтэ. А месь кортамкас, тесэ пек алкине уровеньсэ ашти политикомассовой роботась. Чамзинкань ДСК-сь—покш ды вадря. Учомаль бу тесэ паро робота, секс, што тесэ пек ламо культурной вийть. Но мезе лисни? Июлень васень читнестэ саезь ды июлень 26-це чис тесэнь ловнома залстонть а

муилить а книга, а газета, микстолесьяк, конань лангсо должны улемс газетатне, арасель ловнома залсонть, сайнизь ков бути? Чамзинкасо эрва чистэ молить звуковой кинокартинат. Нама, те пек паро, но ведь колхозниконтъ арась кодаможк мелезэ эрва чистэ ваномс теке жо картинанть. Сон арси ловномс од газета, кунсолемс радио. Но а марят Чамзинкань ДСК-сто радио. Салызь мик тесэ репродукторонтъкак. Тень таркас тесэ максожк весе условиятне эйкаштнэнь, конатне чийнить залганть, шумить.

Массовик тесэ пока арась. Громкой читкат ды беседат колхозниктнэнь ютко а ютавтневить. А неят миллиардка, сонзэ емсесты шаронзо.—Шахмат, шашкат арась, а гармошканть ДСК-нь заведующеесь Присяжнова ялгась кирди шкафсо.

Минь а содатано: арси или а арасикияк вадрялгавтомс тесэ культурной роботанть, но народной образованиянь районной отделэнь роботниктнэнь варштамал бу тезэнь ды теемальтэ эрявикс выводт: или кармавтомс улезь роботниктнэнь роботамо, или муемс од роботниктэ, конат бу соответствовали те тевентень. Шкась а учи.

Н. Симдянов.

28-VII 39 г.

НУИТЬ ЯРОВОЙ

Лямбирской райононь Б. Елховской вельсоветэнь Молотов лемсэ колхозосэ июлень 22-це чистэ прядызе розень нуеманть ды ушодызе яровонь нуеманть. Сехте парсте нуема тевесь ладязь васенце ды омбоце бригадатнесэ (бригадиртэ Расков ды Свешников ялгантне), косо бригадатнэнь ютко ули тезэь соцсоревнованиянь договор. Васенце бригадань колхозникесь В. Ф. Вильянов ялгась самосборкаска 5 гектаронь норманть таркас свал нуекшни 6—6,5 гектарт. Сонзэ эйтэ истя жо а кадови омбоце бригадань колхозникесь Паршин ялгаськак.

Весемезэ сюронь урядамосонтъ роботыть малав 15 комсомолец. Весе сын, кода производственной, истя жо общественной роботасонтъ аштить примеркс. Комсомолетнэ аволь ансяк вадря производственниктэ, но сын вадря общественниктэкак. Сюронь нуема шкастонть сын ветить колхозниктнэнь ютко массовой ды культурно-воспитательной робота. Келейгавтыть соцсоревнованиянтэ, бороцитыть сень кис, штобу урядамс сюронтэ нурыка шкас ды емавкстомо.

И. Байгушкин.

И. В. СТАЛИНЭНЬ ОДКС-ЧИЗЭ

Биографической очерк.

„Алкукс, бути кортамс Сталин ялганонтэ, значит кортамс минек партиань историчасонтэ сех важной событиятнеде. Сонзэ биографиясь целанек совипартиань историчанть ды являеться Россиясо рабочей революционной движениянь пек важной частицакс. Те относится подполиянь шкантэнькак ды мейле, Октябрьской революциянь шкастонть саезь ды течень чис“ (М. И. Калинин).

Грузинской ошкесь Гори, конантэнь „седе виде улелель бу меремс аволь ошке, но веле“ ашти Кура леень долинасонтэ. Ютась столетиянь 80-це иетнестэ сон ульнесь кодамо бути сэтме заводь ладсо. Те ташто Горинть эйсэ ульнесь населениясь кавксошка тыща ломанть. Арасельтэ тосо а фабрикат, а заводт, но сень кисэ ламольтэ церкуват, лавкат, духант. Весе се шкань уездэнтэ ульнестэ ансяк 4 учебной заведения: ошонь четырехклассной училища, духовной четырехклассной училища, учительской семинария ды тейтерь-авань прогимназия.

Те вишкине Гори ошкесэнтэ, 60 иеде теде икеле 1879-це иень декабрынь 21-це чистэнтэ сапожникинь-пролетариянь бедной кудынесэ шачсь минек вождесь ды учителесь Иосиф Виссарионович Джугашвили (Сталин)—пролетарской революциянь гениальной стратегесэ. Сталин ялганть тетязо-аванзо эрясть беднойстэ. Тетязо, Виссарион Джугашвили, происходил Диди-Лило велестэ, пропискань коряс ульнесь крестьянин. Роботась сон Адельхановонь обувной фабрикосо Тифлиссэ. „Ней можна неемс музейстэ сонзэ езазь, пикскесэ сюлмазь жалкой табуретканзо. Те ульнесь бедной, беряньстэ тонавтоз, честной ды вадря ломань“—сермады Анри Барбюс великой Сталинэнь посвященной эсензэ книгасонзо.

Аванзо, Екатерина Георгиевна, ульнесь скудной заработказо; сон муськсь, сустась белье, паньсь кши Горинь супав эриятнэнь кудосо. Хоть сонзэ тетязо-аванзо ульнестэкак беряньстэ образованной ломанькс, яла теке семиясонть сонензэ воспитаниянь условиятне ульнестэ благоприятнойтэ. Сталин ялганть эйкашонь ды тонавтнемань иензэ ютасть истя жо, кода сонзэ весе сверстниктнэнькак. Лангс ваюзь Сталин ялгась ульнесь тоштя, но кеме, жизнерадостной ды общительной черынекс. Пек вечксь сон лаптасо ды лахтисэ налкесема. Эйкаш шкасто Иосиф Виссарионович вадрясто рисувань, знярдо жо ульнесь семинаристэкс, сермадсь ушглубоко-содержательной стихт, конат раскрывали Россиянь рабочейтнэнь ды крестьянтнэнь алкуксонь положениянтэ. Сон пек рана кармась вечкеманзо ловноманть. Вечксь тонавтнема наизусть стихт.

Сталин ялганть тетязо-аванзо тейсть сонзэ туртов весень, мезе ансяк могли теемс эсест средстваст коряс, штобу максомс сонзэ школас.

1890-це иестэ, кевийкее иесэ, Сталин ялгась поступил Горийской духовной училищасэ (предварительно ютась подготовительной отделения), тонавтнэсь сон пек вадрясто. Сонзэ ульнестэ удивительной способностензэ, училищасонтэ „лововсь сон васень ученикекс. Путьтэ тензэ стипендия ковозонзо 3 целковойтэ“. Эсензэ прекрасной способностензэ пингстэ Сталин ялгась весе предметнэнь тонавтнэсь глубокойстэ ды осно-

вательнойстэ. Уроктнэнь анокстамонтэ лангс шканть сон ютавтсь пек а ламо, сон обыкновенно классо запоминал од уроктнэнь ды сонензэ эрявь ансяк аламодо повторить сынст кудосо. Знаниятнэнь эсензэ покш жажданть пингстэ Сталин ялгась не удовлетворялсэ сеньсэ, мезе полчаса училищасонтэ. Тонавтнемань иетнестэ сон ловнынзе малав весе книгатнэнь, конат ульнестэ горийской библиотекасонтэ. Знярдо Сталин ялгась тонавтнэсь 3-це классо (сестэ Сталин ялганть ульнестэ 13 иензэ), сонзэ ды сонзэ сверстниконтэ, Горийской духовной училищань тонавтничанть Г. Глурджидзень ютко ульнестэ истямо кортнема:

„Ули ли паз масторсонть?—кевкстисе Глурджидзе“. Сталин ялгась отвечась:

„Содат, минек эйсэ маншить, кодаможк паз арась... Мон максанть ловномс книга, конанть эйтэ тон несак, што мирэсь ды весе эрямось теэзь овсе лиясто ды паздонть кортамонтэ—те чаво лабордома“. Ды Сталин ялгась мерсь эсь ялгантэнь ловномс Дарвинэнь. Тонавтничанть относилсь Сталин ялганть покш уважения марто ды обращались сонензэ лезкс мельга.

1894 иень майстэнтэ 15 иесэ Иосиф Виссарионович Сталин прядызе Горийской духовной училищанть. „Выпускной экзаментнэсэ,—ледстни сонзэ ялгасо,—Иосиф особенно отличился. Круглой пятерка марто атестатонтэ башка, сонензэ максть похвальной лист, мезесэ се шкастонть ульнестэ башка событияжк, секс што сонзэ тетязо ульнестэ аволь духовной званиянь ды занималсь кемень стамонь ремесласо“. (Закавказьянь сыре рабочейтнэнь евтнемаст великой Сталиндэ, 14-це стр. „Молодая гвардия“, 1937 ие).

1894 иень сексна Сталин ялгась поступает Тифлисской духовной семинарияс. Теке жо иестэнтэ кеветее иесэ черынекс Сталин ялгась совась нелегальной марксистской кружокс ды кармась тонавтнеманзо Марксонь „Капиталонтэ“. Сталин ялгась кармась ловномо семинаристнэнь ютко Игнатий Ниношвилинь (грузинской содавикс писателэ) произведенийянтэнь, толкованзо ломанень происхождениядо Дарвинэнь теориянзо, тонавтнэсь марто политической экономиянтэ.

Те ульнестэ Сталин ялганть упорной тонавтнемань шкакс. Сон ламо роботы эсензэ лангсо, ловны Марксонь, Энгельсэнь цензурасо запрещенной произведениянтэнь, ловны В. И. Ленинэнь роботанзо, конатне повякшность печатэсь Тулин, Ильин ды лия псевдоним ало. Знакомится русской ды западно-европейской литературань классиктнэнь марто, ловны Голстоень, Достоевскоень, Шекспирэнь, Шиллерэнь произведениянтэ; истя жо ловны русской выдающейся просветительнэнь—Черны-

(Пезэ 3-це страницасо).

И. В. СТАЛИНЭНЬ ОДКС-ЧИЗЭ

шевскоень, Добролюбовонь, Писаревень ды лиятень произведенияст.

Семинариясо тонавнемань васень иестэ Сталін ялгась совасть революционной движенияст. 1931 иестэ Советской Союзосакшнось немецкой писателесь Эмиль Людвиг, конась кортнесь Сталін ялганть марто. „Меже ды зярдотейнзеть тонь социалистэкс?“ вояпросонть лангс Сталін ялгась отечась:

„Революционной движенияст мон совинь 15 иесэ, зярдот мон сюлмавинь русской марксистнень подпольной группатнень марто, конат эрясть сестэ Закавказьясо. Неть группатне тейсть монь лангс покш влияния ды привили тень вкус подпольной литературанть лангс“.

„Издательской режименть ды иезуитской методтнень каршо, конат ульнесь семинариясонть, протестэнт кувалт мон анок ульнинь теевемс ды алкукс теевинь революционерэкс, марксистнень, прок алкуксонь революционной движенияст сторонникэкс“.

Се шкань семинарской эрямонь журсонть совазь, Сталін ялгась турнынзе эсь перьканзо семинариянь весе од ломатнень, конатнесь кармась уш сыргоземе ненавистесь се шкань политической строенть каршо.

Те ульнесь мрачной реакциянь эпохась. Сехте вадра революционертнень кайсесь тюрьмава, пансесть Сибирев каторгас. Кементь революционерт ульнесь казненойть. Закавказьянь ламо национальностнень—грузинтнень, армянтнень, азербайджанецтнень эрясть исключительнэ стака условиясо. Экономической эксплуатациянть ды политической бесправиянть марто царил полнейшей административно-полицейской произвол ды национальной гнет: „13 часонь робочей чинть кисэ конкань робочейтне получаст 90 трешникстэ целковойс, причем, те зарплатанть покш частезэ мольсь штрафонь пандоманть лангс“.

„Минек эрямосонть,—сермадсь вейке Батумской робочей ленинской „Искранть“,—арась меньгак радость, сон ансяк—сплошной кикалмос. Тык а седе паро ли минек куломс аволь станок экшэ ды аволь урекс, но куломс оля-чинть кисэ, седе вадра сы шкань эрямонть кисэ бороцязь! („Правда“, 1937 иень январень 12-це чи).

1861 иень реформань ютавтомдонть мейле Тифлисской губерниясо крестьянской хозяйстватнеде 15 процентт овсе эсть получа модань наделт. 84.665 десятина крестьянской модатнестэ 28.986 десятинат ульнесь керязь помещиктнень ды те ансяк скамонзо Тифлисской губерниясонть.

„Царизмась выступал аволь русской народтнень палачекс ды мучителькс“ (ВКП(б)-нь история, 6-це стр.).

Николай II-ень реакционной политиканть каршо, конась повась весе живоенть, сыргозь протест Закавказьянь студенчествованть ды семинаристнень ютксо. 1897 иестэ 18 иесэ юношакс Сталін ялгась ашти семинариясонть революционной кружоктнень прятвокс. Сон вети семинаристнень ютксо энергичной робота, пропагандирует тенст марксистмань идеянтень, знакомит эйсэст Ленинэнь роботанзо марто. Занятиянтень ютавтомань туртов Сталін ялганть предложениянзо коряс ульнесь сиведезь ковозонзо 5 целковойде комната Давидовской пандонть ало, козонь сын салава пуромкшнось обедтэ мейле переклич-

канть самс. Не ограничиваясь духовной семинариясонть семинаристнень ютксо марксистмань идеянтень устной пропагандасонть, Сталін ялгась создает ды сонсь редактирует рукописной ученической журнал грузинской кельсэ, косо освещались весе спорной вопроснэ,—конатнень обсуждали кружоксо, „Квалинь“ („Бороздань“) страницатнесь—„Месаме-дасинь“ большинствань органсонть.

Закавказьянь сыре робочеесть Д. Гогохия ялгась сермады:

„Те периодсонть Иосиф целанек ульнесь поглощен политической литературасонть, но сонзэ арасельть ярмаконзо книга рамамс. И вот сонензэ таго лезды сонзэ великопелной памятезэ. Соняксь букинистнень, лоткавтокшнызе вановтонзо эрявикс книга лангс, панжилize сонзэ ды, зярс букинистэсь озась рамицятнень марто, сон ловнось ды запоминал эрявикс таркатнень“.

Сталін ялгась Марксонь-Энгельсэнь-Ленинэнь учениясонть кеме опорань ды эрямонь основной задачатнень лангс ответэнь муезь, чалгась те учениянтень неутомимой пропагандистнень кинть лангс ды кармась распространять сонзэ Закавказьянь робочейтнень ютксо.

Сон валдомгавть робочейтнень эксплуататорской класктнень каршо бороятномь кинть, лездась тенст осознать, што завоевать властэнь ды саемс сонзэ эсь кедрь можна ансяк революциянь теemasо.

1898 иень ушодовома шкастонть Сталін ялгась организовасть Тифлиссэ робочеесть революционной марксистской васенце кружокт. Те шкастонть саезь сон руководит массовой робочей движениянт лангсо, возглавляет ды вети занятия кавко социал-демократической робочей кружоксо железнодорожной мастерскоень, заводонь ды фабрикань робочейтнень ютксо.

Закавказьянь робочейтнень ютксо те роботась ульнесь Сталін ялганть туртов революционной школак. Те школадонть сон кортась 1926 иестэ Тифлиссэ главной железнодорожной мастерскоень робочейтнень собраниясо.

„Мон алкукс ульнинь ды кадовиньгак Тифлисэнть передовой железнодорожной мастерскойтнень ученикекс. Мерее тень ледстамонзо ютазенть. Монь мельс ледсь 1898 иесэ, зярдот мон васенцеде получинь кружок железнодорожной мастерскоень робочейтнестэ. Те ульнесь 28-шка иеть теде икеле. Монь мельс ледсь, кода мон Стурда ялганть квартирасо Сильвестр Джибладзень присутствиянзо пингстэ (сон ульнесь сестэ тожо вейкекс монь учительтнестэ), Захро Чодришвилинь, Михо Бочоршвилинь, Нинуань ды Тифлисэнть—лия передовой робочейтнень пингстэ получинь практикекой роботань васенце урок. Тесэ, неть ялганть ютксо мон получил сестэ эсень васенце боевой революционной лемдямонть. Тесэ неть ялганть марто, мон карминь улема революциянт пельде ученикекс. Кода несынк, монь васенце учителькс ульнесь тифлисской робочейтне. Мерее евтамонзо тенст ней эсень седейшкава ялгань благодарностэнт“ („Правда“, 1926 иень июнь 16-це чи).

Сталін ялгась ветясь решительной бороцямэ экономистнень ды „легальной марксистнень“ каршо еще „Месаме-дасинь“ группасовамодонзо. 1898 иестэ семинаристэкс улемань шкастонзо Ста-

лин ялгась совасть марксистской социал-демократической организацияс „Месаме-даси“ („Колмоце группа“). Сталін ялганть самонзо марто те организациясонть кармась улема ды оформилась революционной марксистской группа—И. Сталін, А. Цулукидзе, Ладос Кецохели. „Месаме-даси“—(Ной Жордания) те революционно-марксистской группась отстаивал не-легальной газетань теаманть, кона эрявь Марксонь-Энгельсэнь-Ленинэнь революционной учениянт пропаганданть ды распространениянтень, самодержавиянт ды капитализманть каршо политической агитациянтень, робочей классонть политической бороцямонзо организациянтень ды подлинно революционной пролетарской партиянт теаманть.

Те группась, конанть лангсо руководил Сталін ялгась, Грузиясо ды Закавказьясо аштесь революционной социал-демократиянь зародышекс.

Те шкастонть Сталін ялгась ветясь напряженной робота массатнестэ, атак сизе роботась робочей кружоктнестэ, сермадсь революционной листовкат. Ды Закавказьянь заводонь ды фабрикань робочейтне куок чаркодизь эсь од пропагандистэст, седейшкава кунсолость сонзэ пламенной валонзо кружоконь занятиянтесэ, кирдсть мартонзо дружеской, доверчивой отношениянт, евтнестэ тензэ эсь арсемаст ды чувстваст эйсэ. Сталін ялганть псистэ вечкилизь передовой робочейтне, конатне марто сон занимался кружоктнестэ. Сталін ялганть ученикезэ сыре робочеесть С. Тодрия ялгась сермады, што Сталін, кона руководил кружоконь занятиянтесэ, кавто-колмо занятиянт перть юксизе сюлмавксонть сонзэ, еще сравнительна аволь развитой робочеесть сельмензэ лангсто. Сталін ялгась кевкстимим монь,—сермады С. Тодрия,—меzes тонавтсть тынк воскресной школасо? Ды зярдот мон отвечинь, што тосо толковить,

кода яки чись, сон пейдезевсь ды мерсь:

— „Кунсолот! Иля пельть, чись эсь кистэнзэ а лиси. А вана тон тонавтнек, кода должен модемс революционной теvesь“. Истя Сталін ялгась Закавказьясо пурнась, кастась робочейтнень, вовлекал сынст революционной роботас, партияс.

Марксонь—Энгельсэнь—Ленинэнь учениянт марто Сталін ялганть глубокой знакомствазо, сонзэ организаторской талантозо, робочей классонь теветень преданностезэ—весе те аравтызе сонзэ Закавказьясо революционной марксистмань вождекс. Аволь случайна Тифлисской семинариясо инспекторось Абашидзе следясь Сталін ялганть мельга. Весть сон муизе Сталін ялганть тетрадензэ, косо ульнесь сермадозь статья семинаристнень рукописной журналс. Тень кисэ Сталін ялгась поведениянт кис получась двойка ды последней предупреждения.

Семинариянт прядомс Сталін ялганть эзь сав, 1899 иень маень 29-це чистэ сонзэ исключили марксистмань пропаганданть кис. Семинариясто Сталін ялгась лись хоть дипломтомо, зато определенной, кеме вановт марто эрямонть лангс, сень чаркодезь, што сонзэ эрявилиякс строямс. Закавказьянь робочейтне еще сестэ, Сталін ялганть од шкастонзо, вейкема ды гордость марто ловсть сонзэ эсистер учителькс. Народтнень вечкеманть Сталін ялганть вадрясто евтызе М. И. Калинин, кода сон выступал доклад марто Казахской ССР-нь ЦИК-нь юбилейной Сессиясонть 1935 иестэ. Сон кортась:

„Мекс Сталін ялганть лемезэ гордость марто мереве весе народтнестэ? Секс, што Сталін ялгасонть ашти трудовой ломанень идеалось, секс, што Сталін ялгась еще сестэ бороцязь весе угнетенойтнень олякстомтоманть кис, зярдот те угнетениясь царил эрва косо царской империясонть“.

А. И. Левочкин.

Клубось ды ловнома-кудось теезь кадонь кудокс

Кенде велень „Юпитер“ колхозонь клубось овсе а налкси роль сюронь урядом шкастонть. А плакатат, а лозунгт, а вождень портретт,—мезеяк стенасонзо арась, зато шанжавонь коцось шержевстэ „наряжинзе“ весе стенатнень. Клубонь инвентаресь ашти покш беспорядоксо: скамикатне ды стултнэ яжазь, книгагтне ды журналтнэ ертнесь кува понгсь. Культурно-массовой ды антирелигиозной роботась а ветяви, атак вано тень лангс, што ламо од ломать ды мик комсомолецт явить мель религиозной обрядтнень. Клубонь заведующеесь Мучкаев ялгась кувать „вешнесь“ клубонь роботань „вадрялгавтомань“ ме-

тод ды меельсь-пелев „муизе“ те методонть—пекстамс седе кеместэ клубонть ды теvesь ули „теезь“. Истя и теизе клубонь кенкштнень пекстынзэ „пондонь сталмо“ панжомасо.

Ловнома-кудосонть (заведующеесь сон жо) те теvesь ашти а седе вадрясто. Ловнома-кудонь вепельксэнтэ занисе почтась, омбоце пельксэсь жо теезь кадонь кудокс.

Комсомольской организациясь несэ Мучкаевень местькак а тейнеманзо, но а максы кодамояк лезксс, клубонь ды ловнома-кудонь роботанть вадрялгавтоманть.

И-г.

Дубенской р-н.

Весе призывниктне улить значкистэкс

Вадрясто моли допризывной подготовкась Кочкуровань райононь призывниктнень ютксо, конат шачсть 1918—1919 иетнестэ. Призывниктне пек вечксызь военной теветень, секс явить мель сонзэ тонавнеманть: Ламот эйстэст теде икеле а содылизь винтовканть ды противогазонть.

Ней жо сбдасызь отличнасто, максызь норматнень ВС-нь, ПВХО-нь ды ГСО-нь значоктнень

лангс. Сех вадрясто тонавнтить военной теветень Паршин, Кичкирев, Канаев, Мизулин, Кильдюшкин ды лия ялганть, конатне лездыть эсь ялгасть туртов оборонной значоктнень лангс норматнень максомасо. Весе призывниктне успешнойстэ тонавтыть эсь обязательстваст—улемс эрванть значкистэкс.

Г. Белов.

Кочкуровской район.

Велень хозяйствань Всесоюзной выставканть честьс.

Замечательной производственной изнявксо Харьковщинань колхозниктне вастызь велень хозяйствань Всесоюзной выставкань панжово-манть. Близнецовской районь "Червоний колос" колхозось прядызе сюронь урядомонть ды пивсэманть, топавтызе хлебсдачань планонть ды максь натуроплата МТС-эс. Колхозниктне анокстыть сексень видеманть. Видьмекстнэ ваньксавтозь, прядовкшны сока-

мось озимойтнень алов. Малав 50 колхозникть макссть заявляният 1940 иестэ выставкасонтэ участядо.

Велень хозяйствань Всесоюзной выставкасонтэ 1940 иестэ участянь праванть кис областень районтнэсэ чиде-чис келейгады колхозтнень, бригадатнень, колхозниктнень социалистической соревнованиясь.

(ТАСС)

Железистой кварцитнэ сех сипав месторождениась

Горной Шориясо (Западной Сибирь) Торен—Су леенть бассейна-со муезь железистой кварцитнэ покшт залежь. Месторождениась зани покш площадь. Башка пласт-

нэнь эчкест—300 саезь 400 метрас. Кварцитнэсэ кшнитть содержаниясь кой-кона участкатнесэ пачкоди 30 процентс.

(ТАСС)

Советской стрелоктнень блестящей изнявксо

Мелкокалиберной стрелковой клубтнень английской обществась печатынзе стрелоконь международной конкурсонь васень результатнэнь. Васень вете таркатнень конкурссонтэ занизь советской командатне. СССР-нь Осавиахи-мень ЦС-нь спортивно-стрелковой

Центральной клубонь командась 2000 возможностэ чавсь 1991 очка.

Сех вадря английской командась Вимблдон-парка занясь 38-це тарка, 2000 возможностэ чавсь 1965 очка.

(ТАСС)

60 комсомолец тусть Дальней Востоков

Чамзинка. Меельсь шкастонтэ районь 60 сехте паро комсомолец тусть Дальневосточной новостройкатнень—Комсомольское, Петропавловское ды лияв.

Весе сын палыть покш жела-

ниясо роботамс ды укреплять те великой краенть. Теде башка, 120 комсомолец тусть роботамо Союзонь лия оштнева ды новостройкатнева.

Н. Симдянов

Колхозниктне получить аванс

Б.-Березниковской район. Шугурова велень "Комсомолец" колхозонь колхозниктне те иень урожайстэнь получасть трудочи лангс 10 процент аванс, весемезь 0,4 килограмм суро,—0,2 килог-

рамм почтсо ды 0,2 килограмм розьсэ. Колхозниктне: Л. М. Самаркин получасть аванс—279, И. К. Ларькин—240 ды И. К. Потапов—224 килограммт.

Аношкин.

КОЛМО СЯДТ ТЫЩА ЦЕЛКОВОЙ ДОХОДОНТЬ КИС!

Александр Иванович Суворов бригадань паро руководитель. А колхозсо улемс паро руководителкс—тевесь покш, почетной ды ответственной.

Ниле иеть Александр Иванович роботась огородной бригадасо бригадирэкс, ней омбоце ие роботы огородникэкс. Паро роботань кис сон а весть ульнесь премировазь, сонзэ ули роботань покш опытезэ.

1934-це иестэ Суворовонь кочкизь бригадирэкс. Васня ламо колхозникть эсть кеме сенень, што можна огородной участканть лангсто саемс покш доход.

Александр Иванович пек кемс, што огородной участкась карми максомо покш доход.

—Бути те шкас,—кортась Суворов,—колхозонтень участкась эзь макст доход, то те секс, што те-весь тосо ладязель беряньсэ. Мон саян обязательства—кавто-колмо иень ютамс 65-те гектар лангсто карман саеме зняро доход, зяро колхозонтень максить вейсэ саезь животноводстванть марто полеводствась.

Весе вийсэ Суворов кундась огородной теветь витнеманть.

Сонензэ покш лезкс максь Боря Ивенин комсомолецэсь (ней комсомолонь комитетнэнь секретарь).

Боря лездась бригадасо трудонь дисциплинанть кемекстасонтэ, ветясь культмассовой робота бригадасо роботыцятнень ютксо, келейгавть социалистической соревнованиянь колхозниктнень ютксо. Сень коряс, што бригадасонтэ вадрясто ладязь роботась, нурька шкас бригадасонтэ кармасть постоянно роботамо 65 ломань.

Иеде иес касы участканть доходозо. Бути 1937-це иестэ огородной бригадась участканть лангсто сайсь 148 тыща целковоень питне эмежть (планось ульнесь 38 тыща), производственной заланиязэ топавтызе 151 процентс, то 1938-це иестэ бригадась максь доход 193500 целковоень питне, кавксть седе ламо, чем весе колхозонь лия отраслятне. Эсензэ обязательстванзо Александр Иванович топавтызе.

Те иестэнь колхозниктне получасть сюродо башка эрва трудочинть лангс 2 целковой 32 трешник ярмакс. Ламо семият, кода Суворов огородникесь, В. Карач-

Границань томбале

Испаниясо положениясь

Английской печатесь тешксты, што Испаниясо улиа иностранной обозревателтьнень общей мнениясь коряс, Франко ды сонзэ сторонниктне—фалангистнэ вастневить истят материальной ды политической трудность марто, што сынст режимест кувать эрямс не может. Масторось ашти ужасной экономической условиясо. Продукциянь обемось кармасть улеме ансяк 15 процент се уровенень, кона ульнесь гражданской война-донть икеле. Германиясь тосто ускизе весе оенть, модамаренть, почтонть ды лия продуктатнень, конатнень ансяк можна ульнесь муемс. Эрва косо неяви продовольствиянь покш асатыкс. Ирунсэ населениянь кемеень тыщасто ансяк колмо тыщат получить вейке ям ды теньгак чизэнзэ весть.

Франконь правительствась нол-

дась постановления, конань коряс 18 иестэ саезь 30 иес возрастонь граждантнэ обязаны принудительной порядоксо роботамс эрва иестэ 15 чить.

Масторсонть седеж покш вийсэ-яла свирепствует террорось. Сотня испанецтнень, конатнень ульнест мик васолонь отношениясь республиканецтнэнь, леднит эйсэст. Военной трибуналтнэ заседают эрва чистэ. Военной трибуналтнэде башка Испаниясо лия судт арасть. Трибуналтнэ тейнить ансяк колмо категориянь приговорт: куломань казня, 30 иеть тюрьмасо аштема ды 15 иеть тюрьмасо аштема.

Маень васень котоце читнестэ ансяк вейке Каталониясо лездез 583 ломань, приговореннойть 30 иес тюрьмасо аштема 39 ломань ды 15 иес—20 ломань.

(ТАСС)

Франциянь марто границанть германской войскатнень переброска

Лондонсто пачтит, што меельсь читнень перть целанек укомплектованнойть гарнизонтнэсэ французской границань кувалт германской укреплениятнень васенце ды омбоце линиятне.

Рейнской ды Саарской област-

нень велетнень пачк ютыть тяжелой артиллериянь ламочисленной частне, сех ламо ютыть Чехо-Словакиясто. Граница вакссо весте германской велетне пешкет войскатнесэ.

(ТАСС)

Германиясо антисемитской терроронть ды еврейской погромтнень результатэ

Иностранной печатесь пачти, што Германиясо ды Австриясо антисемитской законтнэнь ды еврейской погромтнень результатсо меельсь иетнестэ маштозь 13 тыща еврей, 30 тыща сынсь прят маштызь, 40 тыща аштыть тюрьмасо, 90 тыща кулость ды 330 тыща оргодсть границань томба-

лев. Фашистской режименть араш-томадонзо икеле Германиясо лововсть 850 тыща еврей. Ней Германиясо лововить аволь седе ламо, чем 300 тыща еврей, конат эрит эрва чинь пелемасо эсь эрямост ды имуществаст кис.

(ТАСС)

Витевкс

"Ленинэнь Киява" газетань июль 29-це чинь номерсэнтэ, 1-це полосасонтэ колмоце ды нилеце колонкатнесэ подзаголовкасонтэ корректоронть Храмойкинэнь чу-

монзо коряс лиссь ильведевкс. Эрви ловномс, "Июлень 26-це чинь чокшнень заседаниянь дневникесэ" Храмойкинэнь максозь выговор. Редакция.

ков огородной бригадань бригадирэсь, Б. Ивенин стахановецэсь, Кутозов, Мягков, Полянская колхозниктне ды лият получасть малав кавтонь-кавтонь тыща эрвась ярмакс.

Колхозонтэ ней улиць кавтоавтомашинанзо, МТФ-сэ лововить 166 пря рогатой скотина, 778 пря реве, 150 алаша, 170 нешкензэ ды индивидуальной пользования эрва колхозникентэ ули скалозо ды лия мелкой скотинанзо.

Те иестэнь огородной бригадась борода сень кис, штобу самемс доход 300 тыща целковоень питне, 250 тыща планонть коряс.

Те теветь бригаданть успехензэ покшт. Васняк се, што ютась иенть коряс 6 чиде седе икеле прядызь эмежень путоманть ды кавто сядто седе ламо парникень раманзо. Бути мелят парникстэ миезельть эмежть 6 тыща целковоень питне, то тедиде мистэ 15 тыща целковоень питне лангс. Те иестэ участкасонть видезь 20-те ламо культурат ды видезь эмежть госсортной участкат, косо лововить малав 150 сорт. Неть участкатнень лангсо роботы РСФСР-нь наркомземень агрономось Торчиков ялгась. Сон добилсь паро результат видмень породанть улучшениясонть.

Комсомолецтнэ производственной роботасонть невить примерод ломатненень. Сын свал эсет нормаст топавтнить велькска. Самемс примеркс Б. Ивенинэнь. Сон норманзо топавты 125 процентс паро качества марто. Валя Балакирева ды Нюра Кланшакова комсомолкатне роботыть Полянская Катянь звенасо, конат нормаст топавтыть 150 процентс.

Эрви тешкстамс, што комсомолецтнэ аволь ансяк вадря производственникть, но сын истя жо вадря общественниктькак. Сын ветить культмассовой робота колхозниктнень ютксо. Тесэ свал можна неемс свежа газетат, журналт, толковить ВКП(б)-нь XVIII-це с'ездэнь решениятнень, правительствань ды партиянь важнейшей решениятнень. Те пек лезды стахановской роботанть ды саезь обязательстватнень топавтнеманть.

Колхозниктне радостной, счастливой, культурной ды сипав эрямонь максыцятнень, вечкевикс Сталиннэнь евтыть колхозникентэ покш пасиба.

В. МЕДВЕДЕВ.

Николаевка веле, Молотов лемсэ колхоз.

Ответ. редакторось В. ЗАХАРОВ.